

摘藻堂四庫全書薈要

集部

欽定四庫全書薈要

集部

秋澗集卷二十一

詳校官助教臣謝登雋



欽定四庫全書薈要卷一萬六千一百七十七

集部

秋澗集卷二十一

元 王惲 撰

七言律詩

溪田晚歸

百物秋成次第芳  
野人籬落散幽光  
晚禾結黍爭垂露  
高樹吟秋未有霜  
瓢飲空思罇湛綠  
盤餐新喜黍炊黃  
歸時更得茅簷美  
下澤車輕背夕陽

辛卯重九朝幹臣周宰

九日寒花不見芳  
西灣招飲儘相妨  
驅車共載差元約  
冒雨長行有底忙  
野吹掀翻緇布帽  
冷香滂盡紫萸囊  
踏泥踏水歸時晚  
也道龍山會一場

壽李夫人

時九十  
四歲

帟帔風流見二南  
洞天真侶記駢鸞  
慈顏媛婉丹浮頰  
素髮飄瀟雪滿簪  
九十平頭添二二  
百齡餘慶欠三三  
今年更覺秋容好  
薦壽寒花滿菊潭

寄竹林劉隱君文甫兼簡苦齋詩老

蓬萊清淺到揚塵  
林下幽蘭有異芬  
萬壑烟霏分野色  
一庵閒地占溪雲  
鸞音時接公和歎  
樵隱休驚豹峪君  
儘着青山映華髮  
東州人事日紛紛

周曲山挽章

壬辰三月十五日

四十年來老弟兄  
忍看埋玉入佳城  
子輿正斃酬初志  
東野詩鳴豈本情  
六任在官無少玷  
一貧到骨有餘清  
易車令辦棺衾事  
猶恐臨行累友生

哀馬希驥

人壽幾何鬼伯催抱羸赴官吁可哀乃知生死有定處  
挽斷衣衫喚不回千室望空絃闕樂一枝風折桂林材  
儀牀最是傷心目愁拂春山劍字埃

競渡詩

予前年客福唐寓舍在西湖上問俗自四月中為龍  
船戲船鑿長木為槽首尾鱗鬣皆作龍形以五彩粧  
繪闕髮其腹取其澤也上坐五六十人人一棹江面  
對翻並進如箭饒歌鼓吹自明竟夕殊誼譁也大率

爭取頭標以為劇戲踰重午乃已壬辰蕤賓節追念  
往事偶為賦此且記越俗之好尚焉又平時花竹亭  
館四面環合不減臨安故亦以西湖名之

五月沅江競渡頻遺風此日見東閩大夫淪溺甘魚腹  
舟子招呼問水濱鏡鼓轟翻鮫鱷室繁華淒斷綺羅塵  
曲終人散青山暮招屈祠前獨愴神

獨頭木香

荅吉甫  
索賦

水晶簾外日初長一架醑醑雪覆牆艷冷不爭春事晚

香繁還愛獨頭芳  
看來玉蕊唐昌供  
幻出天真虢國粧  
壺酒風流名字在  
醉魂千丈助詩狂

元夕

斗轉春城送臘寒  
暖回阡陌紫生烟  
春風雨市華燈鬧  
夜色千門璧月圓  
書卷光陰清議裏  
梅花消息喜吟邊  
厭厭醉裏南樓角  
無復情悰似少年

和曲山見贈之什

竹林舊友今無幾  
白髮歸來對曲山  
詩似春雲儘有態

倦如飛鳥共知還淵明高興羲皇上葛亮丹衷伊呂間  
鐘鼎山林兩無濟塵埃空負半生閒

和紫山見寄四詩

正月二日作

百險歸來萬里江旁人剛羨老能強閒居自苦笑鳩拙  
遠宦空成揀火狂少日搶揚猶雀躍只今蓄縮宛龜藏  
冥然却掃關門坐過簡還疑近子桑

晉公鐵面恥將迎天遣汾亭醉六經麟出近郊休袂拭  
鳳巢阿閣要儀刑菌搖露影從團蓋草腐牆根任化螢

天賦美材終大用不然編簡為誰青  
一作大器晚成疑定義

山立揚休見老成輜車風采動蠻荆兩鄉相望三年別

四海論交六日兄諸葛奇材如汝滯漢庭公議欲誰明

只將健筆凌雲句亦是詩壇不朽名  
一作望君重為斯文惜一頌寧堪以

名酒

七十人生百事休莫將閒惱蹙眉頭看來世運恢恢網

剩却孤懷悄悄憂肉食廟堂均一飽笑談樽俎更何求

樂章聽徹醒還醉夢繞黃壚憶舊遊

立春日五詩

正月初九  
枕上作

今年春晚暖何遙  
庭院輕陰鎖寂寥  
香散南衙牛已碎  
水封北岸凍微消  
老逢月閨憐多日  
前去燈宵不五朝  
居士病來花不染  
閉門詩思苦相撩

妄心風旆只搖搖  
且着清樽永此宵  
詩句得吟如有助  
生涯無幾強顏料  
平生肉食聊爾耳  
此日蔬盤更寂寥  
休笑少陵垂白老  
還家曾散紫宸朝

是年元日立春日  
時為待制同百僚

望內廷  
西北

曲山一病保無他，卧老行厨閱歲華。  
貧富較來元有分，鄉關歸到却無家。  
粥盂得味憑齏送，詩陣無前聽鼓撾。

早晚黃綢綢被底，醉頭舒出使排衙。

暗用文潞公  
宰翼城詩意

輕裘錦帶佩吳鉤，曾作江湖萬里遊。  
彩仗春烟縈越省，

為是年繫  
牛省中

梅花詩興醉揚州，在家貫好誰餬口。  
萬事癡

如慮破頭收取琴書林下去，蓋頭茆把要先謀。

為子孺  
欲起綠

稼軒  
故云

立春節物最風流，釵燕蔬盤鬪獻酬。  
暖律潛回交泰瑁，

香塵飛散送寒牛，令龜有喜迎新歲。  
任運何心接俊游，鬱鬱林梢看紫氣。  
悠悠吾道付滄洲。  
是日卜得泰卦，故云令龜有喜。

### 守歲夜

靈案回飈闔戶樞，赤囊懸井漬屠蘇。  
罇留臘味為春酒，門插新桃換舊符。  
歲事守來人潦倒，窮愁推去鬼揶揄。  
明朝最是新年喜，寬大書來聽杖扶。  
領聯一作漕塗龜戶，酣司命火結籬。

神打  
夜胡

### 元日

朔夜兒童問寢餘莫催予起動長吁圖書萬國朝元會  
鐘鼓千門走嗇夫璿象謾回齊政斗赤靈何有辟邪符  
沉沉未覩三陽泰愁絕灰心一寸蘆

和曲山詩韻寄紫山年兄

官業初無一事成誰云祿足代吾耕最憐獨學無高友  
擬托鄰屈度此生天外鳳皇難得見山間風月喜相迎  
詩來健羨凌雲句轉使孤懷不暢情

百計謀生百不成薄田無幾不任耕洗心大義韋常絕

拊髀劉郎肉不生勢有大行虧倚伏人無定志闕將迎  
果哉去作山林計却恐吾儕訝不情

壯年力學老無成白髮何堪事筆耕張子田園歸有賦

老龐話語到無生

一作己分歸田慕張子有時結襪待王生

挈雲心事輸年

少拭目時和喜迓迎有客過門聞詔語一言或補不無  
情

人日有懷紫山年兄效少陵清明詩格

前年人日客殊方此日相望各故鄉酒醜不虧工部酒

梅花空斷蜀川腸，休驚老態連眉白。又喜春風上柳黃，君豈笑談稱曠達。我非用舍定行藏，風雲北海朝捫虱。花木西城夢對牀，晚節得同林下飲。不妨閒處看人忙。

紫山別業在府城西郭多植綿柳課僮奴以栝椽為事故以柳黃為言

### 和曲山見贈高韻

我愛周兄不倚中，平生臨事見豪雄。從旁誰掣挈雲手，妙用多歸製錦工。勿藥病懷須止酒，運斤詩筆自成風。浩然一點胸中氣，莫問時污與道隆。

肉豉

肉豉傳方出異庖玉盆凝就破昆刀縱橫碎清氈能錦  
瑩潔光翻琥珀膏暖入錫華防性爽味芳禁齋想京麩  
年高饜飫便便腹不負吾坡養老餐

人日贈曲山周宰

近書雲物見豐年寬大書頒兩日前為穀未知明日事  
得官休羨小兒權翦花作勝徒為爾覓紙題詩一粲然  
遺愛祠前周老子幾時扶杖過思淵

客廳舊名先大夫所扁

為靳嘉議壽

時年八十有三

人生享福壽為先不似君家樂事全  
春色不隨喬木老眉毫光動百齡前  
風雲藥籠多陰積蘭玉堦庭點翠妍  
九老圖中休着眼世間元有地行仙

琉璃肺

擊鮮為具樂朋簪辣品流馨漲綠沉  
犀箸喜辛忘海味霜刀爭割快牛心  
四筵談屑霏餘烈一縷冰漿濯病襟  
勝過屠門矜大嚼夢雲飛遶蹕林深

一作陰蹕龍帶

簡寄魏叅政兼謝白紵之貺

草木先聲漢嫖姚一軍畚澗掃虵妖碧雲望杳江南道  
白紵情深鄭國僑水閣燕閒時有待銀坑心計苦相撩  
看看銅柱南邊月又見弓旌萬里招

樂全老人詩

樂全老子見輕安杖屨西城日往還論福有孫應有子  
閒居非水亦非山春風滿意花遮眼曉境浮光酒暈顏  
九老有圖宜健羨一生班列素僑間

耳聾自感

人生五十未全老，天遣吾聰用晦明。  
怪志虛傳三耳異，省心先得一根清。  
腦鳴日作蝸蟬噪，霆迅時無七鬣驚。  
物壯而衰自然理，家翁稱異轉尊榮。

過顯軒先生林墓

正月十三日與陶晉卿送客回同拜墓，次予二人為  
愴然者久之，故有是作。庶見夫當哀切禱之意云。詩  
後七日其孫以脾疾亡。

整冠趨拜栢林烟事往懷賢一慨然翼羽有圖期四皓  
風雲埋恨便千年斯文未欲吾儕喪乳穉宜為造物憐  
宿草黃岡重回首大書猶是廣平阡

公母夫人封廣平  
郡君三字蓋公親

筆

良宵散步詩

并序

至元二十八年冬十一月十四日同曲山小酌林兄  
北軒既醺相與至珉溪家夜話歸見月色烟霏殊有  
春意因念數日寒沍今夕乃爾恐一冬不三二朝而

已遂步入春露坊衝口而成詩何夜無月何家無酒  
但少閒適如吾四人耳

散步閒行不厭頻暖烟門巷起冬溫話深不厭城頭鼓  
歸晚長敲月下門一枕黑甜饒熟睡兩螯風味夢清樽  
竹宮梅信今年早整備新詩問蠟痕

和曲山題太一宮詩韻

蒼精宮闕五雲高千劫塵緣謝世勞太一旂常王母使  
真官裘被吉光毛仙家功行何多品人物中和第一曹

近日蓬壺到清淺獨留春色醉仙桃

蕭爽神遊積翠高東瀛修復堵宮勞法傳四業光前後  
望重層霄一羽毛粉飾皇圖開治道庇麻廣廈到吾曹

慇懃太一池邊月曾照銀觥醉露桃

粉飾皇圖謂初見今正時首陳修國

史立臺省等事醉露桃謂四十年前陪諸公讌集方丈前除庇麻廣廈接禮士夫也

### 喜雨

秋冬不雨到中春壠麥黃芽起旱塵輪販乘時祈湧貴  
賤貧無策救饑民誰知一雨連三日走逐羣巫謝大鈞

愚俗豈知昏帝力年年豐稔太平人

即事言懷

一病三年白髮翁今年自覺更踈慵  
硯池敗墨無新

闕

書冊凝塵養蠹虫時向醫方求服食誰從卜者問窮通  
正同農畝憂春旱三日甘霖洗歲凶

涼夜

氣機開闔貴循常極慘隆炎物返傷大暑遽罹前日酷  
萬金難買此宵涼商飈借爽清庭戶白露先秋洗肺腸

一枕夢歸天外境，廣寒宮殿夜蒼蒼。

跋御史梁公題祖隱君墓碑後中憲大定二十

七年進士任至河南府少尹

當年中憲煥人文，久仰修齊表隱君。  
三尺瑤鐫堪晤語，一家庭訓儘恭勤。  
詩書有種餘金穴，簪紱傳芳見世勲。  
孝子思親同一致，幾回瞻灑太行雲。

賈秘監宅畜大龜，來自海南盈尺三尾真靈物。  
也瞻玩之餘賦詩以詠，為提點老友一粲。

神龜來自海中央登薦君家五福堂盈尺要開黃髮壽  
巢蓮不羨綠毛香蒼鱗弁鬣垂三尾元氣細縕善六藏  
昨日朶頤觀不足著牀常在老人旁

壽韓生宏

待扣鐘邊弟子行當年風度已汪洋循循試看青衿子  
濟濟渾如上舍庠將就緝熙從洒掃擊摩蒙垢到輝光  
束脩藉手嗟何有重為韓生壽一觴

一作青青矜佩西  
門熟濟濟衣冠上

舍庠

和曲山冬日述懷嚴韻

幾年青瑣列朝班，萬里江湖又往還。  
浮世舉從愁裏過，人生能肯老來閒。  
時方多故難前料，家任長貧免後艱。  
更有行身思寡過，未能蘧瑗每慙顏。

送叅政飛卿時改遷西省

辛卯冬十二月七日

漢廷冠劍擁群雄，開濟都論畫一功。  
暫試邊籌來塞外，又分春色入秦中。  
風雲平步無餘謹，肝膽酬知有至公。  
帝使救時公等健，老夫何有炬蓮紅。

奉和曲山胡桃詩嚴韻

藤藜為菓性甘良  
今歲收成滿市行  
褐殼外包金作皴  
黃衣中裹玉為穰  
似憐淡薄陪樽俎  
滿嚙芳馨潤肺腸  
聞說開元金盛日  
十金一杵喜新嘗

又嘗喜蓬瀛傳美法與膏同嚙便非

常

彼桃根植自羌南  
遺種攜來漢使驂  
雷斧斫開驚蟄卵  
雪襍翻出合歡蟾  
華池增潤酥同膩  
老頰含飴蜜比甜  
想得上林初結實  
百官分賜露恩沾

餞中丞義甫還闕下

并序

予與中丞義甫同官歷下自後君由維揚移秦中不  
肖亦承乏福唐地之相去也萬里時之契濶蓋八年  
于茲壬辰春正月邂逅衛南樽酒間握手道舊殊歡  
暢也因話及敝居醉經堂珉溪曰今易為春露矣予  
即曰春露堂中秋澗老君應聲曰可對梅花軒下柳  
溪生蓋君遊蘓門稱柳溪生提憲開封以梅軒自號  
故云即舉酒囑予曰可足為一詩見贈因輒聯成篇

以壯行色其辭曰

綠波春水淨長亭樽酒相逢話故情春露堂中秋澗老  
梅花軒下柳溪生十年一別渾如昨兩地相望不易并  
三篋補遺蒙睿眷寵光浮動漢公卿

衛南讌集纔終日歷下分攜已八年玉樹風神猶夙昔  
彈丸詩句轉清圓傳家有學光先業望壠求書憶昔賢  
從此玉墀冠劍地漢家勲業有貂蟬

第五句一作肯  
堂有構傳先業

和曲山見示十六夜詩

三杯兩醜醉朦騰門巷歸時月色澄人影共三驚傑句  
元宵過五牘殘燈遊觀縱美吾誰與老病相仍子不勝  
昨晚詩來知勿藥樂於相對遠方朋

非隱非商處市寰出門即礙覺行難虛名藉藉知何有  
世事悠悠興易闌化日舒長饒驟暖新詩吟苦有餘寒  
書生伎倆宜人笑兩束麈章要不刊

為曲山欲以近日  
唱和等作編集成

帙以示來  
者故云

寄贈總帥便宜汪

壬辰正月二  
十一日過衛

前日劍騎過衛幸得一識英表勉贈二章庶見微懇  
城晟祀鎧鳳花紅颯爽英姿百戰雄歌雅有懷千里隔  
停驂還喜一樽同忠傳孝繼來家法谷靜川空見驗功  
自古詩書出名將將軍今日漢膠東

隴西名將相山東與別諸侯總不同隴右風塵天一柱  
將壇恩禮漢元戎秦風儘詠車鄰富魯泮重看獻誠功  
想得朝天承讌衍教坊金燾彩雲中

燈市行樂

人喜時和更上元春城風物覺清妍樽罍傾倒非吾事  
杖屨遊觀有樂全澹澹陌塵燈散後迢迢春箭醉吟邊  
新詩不獨書門適待與清時備管絃

為曲山久病作詩以慰之

曲山隱几一冬餘心事中間合減除委巷莫悲來結駟  
崩緱休詠食無魚禾欺脾土宜甘養詩梗吟吭可暫疎  
六十坡仙年未老萬緣灰冷覓方書

再和前韻慰曲山

一身之外總為餘應有間憂合屏除出宰莫悲淹足驥  
研精休效蠹書魚兩孟充腹宜相調一盞和顏未可疎  
休信安心泥禪術內經還是不刊書

一作若以老年間  
遣興或作若以遣

懷餘習在內經  
還是緊者書

予拜顥軒墓後七日其孫以脾疾亡復作詩以  
哀之

悲風吹野白晝陰吞聲不作短歌吟尚期穉子有餘慶  
少慰先生未了心玉樹凋殘天已老蘭芽助長思空深

因懷此老含飴語地下相持淚滿襟

穉子一作委蛻  
蛻出列子子孫者

天地之委蛻也或易之

僮哀詩

并序

僮姓李氏字八齡十有六歲壬辰夏後六月二十九日因戲水濱溺死猊渦予時卧病不知以數日不來見疑其有異且覺夢忽恍惚及旬餘窮竟所以乃云已死矣為惻然者累日其辭曰

來從西蜀六千里執役家僮一載餘兵死不教承舞槊

陸沈誰料葬河魚  
樵蕪晚到虞疎失  
寢戶晨興憶掃除  
善過力傭平日事  
一朝不見意何如

挽總尹湯侯

井榦臺邊始識君  
共山山下酹新墳  
攀髯猶是風雲夢  
分陝仍高牧伯勛  
翠琰能書無媿筆  
石麟休認辟邪文  
泉扃儘慰承家望  
又見賢郎迥不羣

題珠簾綉序後

七竅生香詠洛妹  
風流不似紫山胡  
半牀夢冷珠簾月

用烟中  
怨事

一序情鍾樂籍圖鉅破小山犁舌獄倒翻卓氏  
拍沽壚芳踪苦殢同心賞過斷行雲唱鷓鴣

題香山寺畫卷

送客當年過玉泉醉中游賞得奇觀一泓湛碧浮僧鉢  
幾葉秋黃打石欄山色空濛金界濕松聲清泛海波寒  
吟鞭回首都門道斜日歸時翠滿鞍

過朝歌與苦齋馬上聯句

三十年来老友生論文道舊足交情清時健在已多幸

白髮相從復此行朔吹號寒摧破帽重陰掃盡喜新晴  
憂先樂後平生事一笑長驅過故城

題府判黃懋卿詩卷

簿領當年憲府廳已期公叔與同升為觀臨事多難際  
素有持闕厚稱荷橐儘高蘭省諭判花清映玉壺冰  
漳南未是淹留地變化重看九萬鵬

送舍弟南歸穰下

壬辰十月廿  
日彰德相別

相思渭北當年事遠送漳南恨別心沙暖暫聯鴻鴈序

霏寒悽斷鵲鴿音兩鄉健在都能幾千里含情老更深  
慰浣此懷知懇切不教消息到浮沈

觀光

化日舒長靜八埏夔龍布滿紫宸班閭闔有喜科差少  
烟火全疎傳舍間象緯拱環天北極聲明漸及海東蠻  
春潭不用宏農寶斗米三錢濟歲艱

壽石平章布呼蜜

黑頭便插侍中貂噀水春風憶共僚學術自初希聖哲

羽毛今果見雲霄心存經濟開公道天與精神福本朝  
紫禁烟花紫繞裏青松千尺儘難凋

遍閱清朝玉筍班龍鱗誰似相君攀事多簡省經綸大  
道在從容奏對間黃閣不知金印重思亭清似玉堂間

鳳池剩有如渾酒細瀉瓊杯暈壽顏

一作梅花香有如  
渾酒常醉春風玉

顏鍊

劍履光清斗極邊秋風庭戶靜吟瓊北門視草情何密  
東閣觀梅暖更妍白髮詞臣從寂寞青天鵬背自三千

一樽細瀉新豐酒此際於君分合偏

漢相規隨有典刑讚書今傍太微星甄陶品彙均元化  
業履貂蟬自六經養浩以剛鄒孟直誠心無愧魯齊銘  
細傾東閣梅花釀長對西山未了青

時為御史中丞

賦王詹丞宣賜玉杖

王諱慶端字玉甫藁城人

青宮宿衛舊將軍家世今誰萬石君千騎罷光承眷顧  
一枝方杖表忠勤靜臨春桂堂階月暖帶紅鸞扇影雲  
若把璠璣比良德健於羅結更溫文

一作前日倚毗今有效雲臺從此策

高勳

同鵬飛遊長春宮

步入方壺別有天  
茫茫雲海道家山  
甘河真遇自伊始  
鐵鎖高垂不可攀  
黑入太陰松桂老  
望空玄圃水雲間  
臨濟門外春風暖  
將復流紅到世間

張鵬飛治虎骨為鏡插作詩以贈

張侯骨鯁霜稜削  
出雄軀瑩且精  
厭猛細將鵝作項  
差肩羞與鹿同名  
寢皮食肉真吾事  
理髮繡經入小成

持贈有懷增老健一簪秋氣見初橫

虎腦杯二首

帳竿圍錦稱談兵猛腦剗來正可觥製就要為元惡戒  
飲餘便覺谷風生瑣紋漬血紅猶濕酒力增嚴氣未平  
廣會長筵莫輕出慮妨張鬼淚縱橫

犀船螺竿脂粉具老頂剗作元戎觥撩頭無復盜跖怒  
持飲頓覺陰風生南山大雪昔曾犯北海盛氣今難平

鱷吸長筵莫輕出挪揄張鬼恐潛驚

一作更吸臬羹戒  
元惡却思張鬼恐

潛  
驚

十一月十八日壽宮小集

六祖真人牛教授  
伯祥張按察鵬飛

十稔相望不易逢一樽誰料此賓同  
笑談偶得陶元亮  
賓主不分龐德翁  
竹葉添春冬後綠  
燭花留喜夜深紅  
鼎邊句就東方白  
却恐彌明訝不工

訝一作笑

贈牛教授伯祥

牛君伯祥以失偶詞見示意甚悽惋雖情之所鍾正  
在我輩然思而不置恐傷天和而病吾子也故終之

以電露之意

朝看顏頡燕于飛夜聽城烏有暗啼風拉綺絲疑細語  
鏡翻鸞影夢雙棲屢空曾改安貧樂當饋難忘舉案齊  
不見六如亭上客此情斷度不容悽

壽長春張真人

絳闕逢山不易求春風瑤草夢麟洲未如華表千年鶴  
纔閱人間七十秋道紀有方傳妙用玄談登對動宸旒  
慙慙一炷嬰香供吹滿壺天十二樓

登對謂嘗以老子言上對稱旨

送王講師歸終南舊隱

青城仙馭本翩颺，自惜緇經老閉關。  
藜杖偶隨雲暫出，草堂今喜鶴飛還。  
道疑甘壑從容際，詩在終南紫翠山。  
去去黃塵今古道，幾人回首似君閒。

吾友張君鵬飛壯歲論交，十年三遇少聞如意。  
多見隱憂燕越相望，契濶復爾衰年遠別互。  
深相愛之情，判案頻煩例有三惑之誚，冰清玉潔餘孰何堪下怨上疑自昔如此在李華。

而未免於吾子以何如若作計以處時宜貴  
和而容衆子其行矣詩以送之

四任邊除見壯猷空拳搏虎踞三彪得便宜處休再往  
當機會時須遠謀花柳都城終歲好江山南上暫時遊  
倚門妻子愁仍破檣燕聲中莫少留

送左丞董君行院金陵

壘壁光寒海徼深未容緩帶畀分臨旌旗動色真餘事  
節制無方是自侵纏索要知今日馭戒機還盡老人心

迎仙門外生祠栢親見森森綠滿陰

朝謁柳林行宮二詩

并序

至元癸巳二月四日臣膺惲臣文海儼居信朝謁春  
水行宮於瀘曲之柳林優蒙睿眷詔錄年名以間引  
進者中丞崔或被沐天恩敢綴為唐律二詩以表殊  
常之遇臣惲謹序

漢家天子獵非熊五柞長楊是近宮萬騎遠臨滄海右  
五人同拜柳林東自憐賤子承恩眷重為斯文惜至公

更擬論思叅政識老臣何有沃淵衷

千官扈蹕翠華東詔許諸生見雪宮商嶺採芝慚綺季  
新豐需命似姚宮名輝彤管猶通籍簡在儒臣要勸忠  
步出禁

闕

少侯長楊高樹動春風

癸巳清明後三日偕益津李士觀登太史臺

客中何處散幽懷放眼高明恐易裁兼覺形神未全老  
試憑筋力共登臺山河繚繞陪京壯樓觀叅差落照開  
曳杖不知雙髀困銅駝巷陌晚歸來

奉和李樂齋登太史臺詩韻

衰藹形骸俱諱老較量筋力共登臺漸欣就日瞻天近  
不憚捫參歷井回步下玉階驚峻極立殘夕照尚徘徊  
銅駝巷陌歸時晚一笑嗒嗒曳杖來

靈臺璇象兩巍巍夢寐三年始一窺日挾陽烏翻倒影  
天浮圓蓋入銅儀當時東觀張平子此日吾元郭若思  
羨殺漢時皆實學幾曾分異限藩籬

和李樂齋馬病詩韻

闕  
柳都城約勝遊閉門翻作抱官囚血糊駿足幾無  
眼昧庸工悔闕投策杖恐招徒步誚求全翻得蹙眉憂  
自今安驥君須記鍼法從來是把頭

為中丞博陵公壽

謀國如君富遠圖報恩多半薦賢書義方對上言何婉  
玄素回天力有餘論入事機包細大望來行止見舒徐  
近年默數康時奏儘是汾陽極品除

喜答李六祖病後見憶

詩韻鄉心兩疊稠竹宮長記半冬留  
橘房嬉戲有真樂  
鵬背逍遙忘遠遊清夢偶便旬月寢  
岩花空抱一春愁  
朝來好得平安報香滿經臺紫氣浮

送吳僧清琬長遊上都

顱骨嶢嶢犀插腦緒經休作越僧看  
潔蠲心行拋塵累  
飛跳天星得妙觀化日閻浮天竺小  
秋風蘭若野僧殘  
回頭清磬千門裏曇鉢花鮮照眼寒

挽樊君道錄

每嘆玄門道有綱  
樊君扶翊冠簪裳  
公材絕似張嵩岳  
術異初非費長房  
樽酒笑談才宿昔  
玉棺飛墮便蒼茫  
仙遊久厭人間世  
華表歸來意莫量

答晉卿教授

蒼狗雲衣日易翻  
桂薪珠米住京難  
百司扈送回鑿輅  
一室虛潛盼冷官  
老境靜思林下樂  
鄉書喜向枕中看  
絳紗幔底絃歌樂  
政恐天教耐歲寒

挽趙公同簽

不肖憚自壯歲辱知頗厚意廣才疎竟成墮窳日暮  
懷人豈勝慨嘆魂而有知庶幾少慰其詩曰

氣鬱元龍漢魏豪豈容空見卧林高力籌戎務開樞府  
瞻落僧濟拜節旄陰授有機黃石畧夢歸何處赤松邀  
傷心此日題詩客老淚縱橫濕佩刀

公使日本回相會  
于平陽以日本國

佩刀見贈詩純用留侯事  
者以公全似漢初異人也

詩餞王中丞復任中慶諸路行臺愛荷之懷義

行於辭知音者無惜同賦

復詔行臺自昔無恢恢天網未容疎滇池逐鰐真餘事  
霜簡收炎見壯圖報政果符銀作驗立朝回看玉鳴珂  
此身雖遠吾民晏肯憚風沙萬里塗

送王司業嗣能倅衢州

前年持節使閩甌端是騎鱸汗漫遊兩浙江山真罨畫  
三衢風土是中州兵餘獨重瘡痍苦政異無逾孺關謳  
此去新詩更瀟洒所思多在望濤樓

完顏士慶赴任蜀省來別索詩

係金  
內族

秋滿長安落葉紛天葩根異獨竒芬氣酣不在新豐酒  
志遠先馳蜀棧雲幕府文書無整肅郎官心事足忠勤  
腰間四世千金劍又見清光湛斗文

輔提刑正臣挽詩

并序

臺憲者順長道而服羣醜也昔魯人以泮水頌僖公  
而曰敬慎威儀維民之則載色載笑匪怒伊教如提  
刑輔公有焉又如老生廩繼于邁思樂何啻采芹藻  
而已不才猥繼公後親覩斯美豈勝忻嘆蓋學校乃

國家之元氣故予特以崇學為言使留心於簿書米  
鹽間者聞先生之風庶幾知所自云秋澗王惲謹序  
澄清心事見褰帳只道剛稜未盡知簡逐霜華森憲府  
力宣風化作邦基廟堂留像瞻遺愛寒藻翻香舞泮池  
夢到養源堂上月至今鐘鼓似清時

前年學館拜遺祠此日看君墮淚碑飲食固云饑渴易  
文章轉與簿書宜祥刑早有當時譽令德還為後進師  
况是老成彫落盡山陽笛裏不勝悲

送鄧郎倅繹州

我客京華識鄧郎恍如身在闕齊旁三年載筆同詞館  
一字論文憶夜床老去光陰多幾許別來雲海尚相望  
玉堂昨夜秋風冷夢裏歸心到汶陽

秋澗集卷二十一

欽定四庫全書薈要卷一萬六千一百七十八

集部

秋澗集卷二十二

元 王惲 撰

七言律詩

誠說堂

三牲致養應為易揚子怡親志所難滿抱忱誠無少慊  
一杯菽水見真歡詠歌豈取時人譽溫清思貽後嗣者  
想得歲時稱慶處春風香藹紫庭蘭

史宣慰子明友松亭詩

壯歲英威大樹馮老依松翠養襟靈秋風幾泛投壺唱  
偃蓋空懷倚杖形華屋丘山驚夢斷玉堂編簡為君清  
千年貞魄棲修榦不信龍泉閔夜扃

壽張左丞子友

甲午正月  
十六日

箕尾儲精一氣氤仰看風骨秀而神青宮羽翼風雲舊  
黃閣調和鼎鼐新若論揀時非易得與同熙載更誰親  
一杯重為君侯壽紅藥堦前要好春

春坊碧月桂瑤枝人物風流映一時四海蒼生欣望愜

兩宮和氣對時熙  
西池進讀霑時遇  
東閣追攀辱舊知  
此日壽君宜有頌  
載歌箴做武公詩

供職詞林已四年  
今春添壽倍增妍  
詩如東閣梅花細  
人在春坊璧月圓  
漢業翼成無跡考  
遂初亭暖覺春先  
沙堤有語蒼生福  
好在論思拱御筵

今歲調元事體新  
風雲開閣入經綸  
兩宮受賀安磐石  
萬國歸心有老臣  
相業儘高麟閣讚  
醉吟時到野亭春  
五雲深處台星爛  
常見清光拱北辰

甲午歲正月二十三日右丞何公闕麟華旦謹

奉唐律二章以介眉壽

松柏凜凜一畝陰貞姿不受歲寒侵待謀東閣時情協  
養浩南牕夜氣深閒縱詩懷穿理窟靜觀羲易見天心  
百觚剩有春風釀重為明時要細斟

叢臺衮服士如雲又見聰山一氣春帷幕細談天下事  
典刑渾是老成人詩來東閣梅花細歌入民謠漢法新  
健羨武公宜自做太平勲業畫麒麟

過左副賈相公新阡

左副新阡何處尋斜陽東北望喬林連城政美無瑕壁  
萬卷書多遺子金冠劍圖形凌閣重風烟埋恨石麟深  
峴山欲墮豐碑淚桃李公門綠滿陰

彭澤二賢堂為江州周使君賦

斂裳宵逝無三月待罪鳴琴滿五年與論行藏元有異  
比量心事本同然浴光力取虞淵日示貶忠凝甲子編  
千古新祠祠下月不應獨照二公賢

謂分光於使君也

李清甫分齋

鷗飛不過丈尋間鵬翼雲垂九萬搏每自忖量彙秉外  
就中增損一毫難洗心俠習從多可放眼青天有達觀  
拈取榜齋纔隻字此身還有泰山安

送表弟雲卿經歷赴上都先時韓壽院判仲常

詩有通介不隨新進士齏鹽依舊老書生之  
句大為王君稱賞及北行仲常用元韻餞贈  
韓持詩見示亦請予依韻相送因勉為賡賦

樞廷幾務貴謀成調議中間執倚平經事莫深吾弟慮  
臨機能盡上官情正煩謨畫孤忠壯肯着車輪四角生  
明日馬頭新店路居庸山色照吟觥

秋日宴廉園清露堂

并序

右相康公奉詔分陝七月初一日宴集賢翰林兩院  
諸君留別中齋有詩以記燕衍因繼嚴韻作二詩奉  
平章相公一筵時座間聞有後命故詩中及之

何處新秋樂事嘉相君絲竹宴芳華風憐柳弱婆娑舞

雨媚蓮嬌次第花照眼東山人未老舉頭西日手空渡

賓筵醉裏間佳語喜動金椀五色瓜

領聯一作高雲錦  
席翻涼吹翠蓋紅

粧簇  
藕花

朝野歡娛到靖嘉五年經制見金華先聲遠動秦川樹

後命光融紫禁花歸騎不妨沙路晚留中恐為國人遮

暗用司馬端明  
留臺西洛事

自慙忝列絲綸地憔悴秋風一繫瓜

德壽殿玉方池研

理宗所御德壽殿為太上皇  
後所居殿緝熙講經殿也硯

即碧絲

斂也

玉斲坤形靈四溟丹書猶認壽宮名紛紛落墨騰蛟霧  
浙浙秋風拉瑟聲神物不知崑火烈碧絲今對玉堂卿  
眼中多少興亡事白髮孤臣最愴情

同時同僚承旨留  
中齋學士劉東崖

侍讀趙方唐  
皆宋人也

甲午秋七月九日扈山約赴李君水芝之會予  
以事不克往明日例徵詩因繼中齋韻

陪京秋早物華清杖屨迎秋出綺城蓮社與吟千葉白  
盤餐非為五侯鯖眼中閣老何瀟洒意外浮名任易更

唯有柯山山上月歸心同照石梁橫

飛蓋追隨野興清冷烟疎雨濕層城兩舷踏足空蓮唱  
大嚼過門得鼎鯖錦席高雲增爽朗秋風殘暑喜交更  
竹西歸晚留餘思詩在夕陽澹處橫

為周紫巖賦冬日牡丹

蘇州人右職出身新簽  
兩浙行省事留中齋索

賦

翦翦江風十月霜寒梅時序見花王一枝重薦金盤瑞  
滿幄濃薰麝粉香協氣暗扶忠節壯名葩來伴紫岩芳

故園從此恩光爛卷裏題詩半玉堂

再繼前韻贈中齋承旨

先生襟韻氣之清開府歸來客薊城雅集不知河朔飲  
名談有味德麟鯖歸心落日常躑躅世事浮雲任變更  
夢到柯山山上月流光還愛石梁橫

賀梁叅政陞拜左轄

故都喬木百年春累葉簪纓得相君馬出渥洼騰逸氣  
豹藏玄霧見竒文十年佩玉何清響一見英標騰素間

荆說鼎調多至味兼收時到野人芹

題奉常李謙甫歸覲詩卷

十載馳香望玉闕一朝羅拜喜生還  
溫顏孺慕猶親側  
秉燭相看似夢間  
棣萼香凝姜被暖  
故鄉誰羨錦衣斑  
鵲鳴庭樹春多少  
車馬西行總詔頒

首句一作萬里馳  
書四十年阻離殊

域喜生還頸聯一作棣萼華  
承餘讌樂錦衣誰夢照卿班

賀唐承旨新堂落成

碧雞華構喜新成  
軒瑣虛明夜白生  
花影入簾詩思淑

琴聲當戶月華清  
人生孰若安居樂  
樽酒重尋風雨盟  
不作老張輪奐頌  
玉堂清議正煩卿

甲午八月一日赴李總管蓮塘之會坐中走筆

賦此

斗酒初醺倚畫欄  
藕花紅映萬珠盤  
野烟高柳吹衣濕  
碧落銀河照眼寒  
老去自知情味減  
興來思盡故人歡  
相逢一笑真難得  
况復君侯禮數寬

諸人酬詠既已復和前韻

垂柳橫橋轉赤欄望中清興散愁盤玉淵堂迴山光碧  
秋水臺高午景寒爛漫不知前日會唱酬當記此時歡  
平生肝膽向人盡不是悲秋強自寬

甲午中秋日宴同簽洪公東第賓僚集賢翰林  
兩院而已將暮雲陰四合既歸月明如晝偶  
賦此詩且記盛筵三首

今年秋夕賞心何絲竹堂深間雅歌三院盍簪都下少  
四筵登味海東多休辭皂蓋停車轂盡倒清樽待月娥

兩袖桂香翻未盡更憐歸路影婆娑

赤囊無騎海無波今歲中秋樂事多為愛頤軒吟興逸  
來陪詞客醉時歌紅雲照眼瞻天近白髮欺人奈老何  
連夜暮歸驚夢異林間金背看陂陀

稍稍英氣秀橫秋此日青雲接燕遊賓府笑談詩闕帥  
故家人物鳳麟洲為憐桂影饒清賞歸避金吾怯晚留  
為見頤軒慙厚意更將遺興較詩籌

題高和甫侍郎先世圖譜後

故都喬木幾蒼蒼高氏宗支慶緒長兩世簪纓登相府  
百年忠孝見諸郎解紛晉漢多陰積斂衽韓劉避耿光  
十襲寶藏防墜佚衛公遺物要同芳

送東崖學士總尹建昌軍

九月十三日

待詔詞林整十年黃金橫帶列朝班紅雲黼辰瞻天屢  
白晝鄉關著錦還顏筆謝詩增曠達銅陵碧澗夢躋攀  
慇懃華子岡頭月先借清光沆別顏

遊水峪

雨沐山容曉更鮮  
峪深行入洞中天  
林間石碣傳經鉢  
嶺崦雲封種玉田  
世味酸醎誰自信  
人生聲利古難全  
道人歸潔宜諳此  
抱石歸來煮夜泉

今秋山北迓回鑿  
偶得新詩記往還  
臣子要知吾分在  
功名休問老天慳  
滿軒光寵居庸道  
兩袖風烟水峪山  
同見同遊又同樂  
從容恰及一旬間

過誨之高兄新居

高子幽居遠若村  
北城城下柳藏門  
寒因霜早收梨栗

貧喜家安遺子孫間裡有詩渾漫興客來止酒對空樽  
自慙過訪成疎曠戀戀相看到日昏

為洪同簽書譜公中秋燕集詩卷因題于後

闕詩變變碧空雲一樣書來更可人落墨空翻闕黑

清吟真有鴨江春雞林取重吾何有樞相知音世罕倫  
還笑愛鵝王內史寫經時與羽流親

壽泉平章

兩朝元老漢刑儀宣室深香侍受釐博識不遺三篋秘

拜公應較十年遲敢從汗簡聯清秩喜為裁詩薦壽卮  
瀚海綵波三百曲歲浮春色上芝眉

壽董承旨

正月十一日

百觚春酒遐年壽千首新詩二品官窮達不為身外計  
功名儘向後來看細圖野隱明歸志靜撫孤松愛歲寒  
此日稱觴宜有頌兩宮恩眷古為難

送縉雲教官伯讓之任瀏陽仍和見贈韻

縉雲遙裔以才聞遠任長沙弔楚臣論學拜官甘冷職

過門求益有斯人道傳伊洛真吾事詩到齊梁恐後塵  
領取漢家聲教去六經何地不陽春

元貞二年丙申元會日大雪

萬寶陳庭未是奇千官朝處玉為墀靜看整整斜斜態  
不礙蹒蹒濟濟儀法部氣嚴催箭舞御爐烟澹濕鸞旂  
小臣歸美豐年慶不數元和賀雨詩

送省掾李希賢隆興總判

西京人

春水延芳扈從辰笑談鞍馬見情真幾年畫省含香掾

一日公堂入幕賓政異莫如官事簡心丹回夢帝城春  
古稱四海皆兄弟洒落如君有幾人

壽彭壽之慶八十詩軸

竹色宮牆野粉黃百年遺老見張蒼青雲仕宦思疇昔  
白髮光陰在故鄉步健不知鳩杖勁眼明猶炯竹書光  
若從九老徵遺事好着丹青畫寶坊

大賢詩三首

甲午歲正月二十二日癸巳偕翰林諸君謁太傅巴

延公於東城甲第之北堂公姿威不見猛簡不失和  
真魁傑人也公初至燕首詢諸何右轄曰翰林諸老  
今右者誰及是歷問各官壽期今供何職酬禮間顧  
相謂曰朝家所以養諸老者正以乞言論政而已如  
事會議各顧官守未免或偏若集之同僚則議論通  
一所益良多某曰前世立益政院者正此意也中丞  
崔相亦以為然乃知公深謀遠至氣量含宏朝廷之  
上軍國大計心無或不在所謂大臣以道事君者也

既而公出衆俟門屏間遣紀綱來謝曰不敢多勞遂  
退因得大賢詩一首紀其披覩之快後二年公府掾  
張楚持畫像懇祈哀挽既書鄙辭載惟疇昔情有  
不能已者且念六合雖一相業未展天不憖遺老哀  
斯民之不幸也噫因附錄于後

萬馬龍驤宿漢陞朔雲邊雪避狂麾麟遊近藪人歌瑞  
虎在深林氣甚夷解甲齊山降宋日鞠躬趨陞入朝時  
有懷不盡蒼生事空詠皮公七愛詩

使華來自海西邊一日風雲擁將壇仁信有餘收戰格  
旌麾不動下臨安應憐文武匡時切忍對麒麟畫像看  
不獨臨淮開府掾追思勲德淚闌干

軍容機政兩儀刑自有曾中節制兵直道事君忘智勇  
丹心為國儘忠貞風雲感會千年契笳鼓歸來六合清  
遙想翠華秋獮祭聖情凝佇聽輦聲

異菊圖一枝十花容色各異未之見也故賦

枉說重巖細菊班連眉十樣更清妍不辭老圃秋容澹

要見花神景氣偏越被香濃薰百和柴桑人去已千年  
醉吟不用江州白此日東籬得董仙

百品流芳見已稀一枝獨秀更堪奇秋陽借暖留三徑  
翠袖分香到十眉竹外曉粧明閣院月中青女要新詩  
繁華淒斷長沙夢畫裏淵明又一詩

聞友人買犀帶

聞君饒價買犀纏似為精神見老年論品要勝華衮異  
垂腰猶欠玉魚懸通天即是裴公賜素髮其如白傅巔

留取百錢休妄費安排開歲置貂蟬

贈瀋州樸生子温

踵門來謁樂新知自說容城指授師孤鶴遠從華表下  
六經都向管中窺西山掃墓懷私淑東郡趨庭儼聖思  
莫把一簞顏氏樂春風吹作錦囊詩

送總統佛智師南還

釋教總統佛智大師姓濟農氏名錫喇卜華言為吉祥  
慧也西番人祖桑結策羅父實喇現以象胥王譯

諸經至師八世矣師早侍帝師發思已受知先朝精  
詳內典又喜儒書樂與吾屬游元貞初選師為江浙  
總統明年率諸山長老入覲獲侍清燕啟沃一言煦  
煥三吳同游大覺未歸江東父老投牒行臺趣師南  
還將行以贈言為榮因賦是詩以送

白足毗耶不易逢鬢絲禪榻偶相同經來震旦三千界  
人在天龍八部中滿送酒缸浮北海細薰香霧供南豐  
江東父老催飛錫要沸潮音與海通

與梁總判楊少監武子劉總管叔謙會梁都運  
高舍別墅夜話帳中樂怡怡也梁君索詩因  
書此以答雅意元貞三年二月十八日也

問字嘗思過子雲一樽梁墅喜情親清燈夜話逢知友  
喬木蒼烟憶世臣野水添杯無盡藏侯門儲慶有餘春  
五枝休數燕山竇黃閣經綸見秉鈞

挽子敬楊君

終唐州知州  
子裕母弟

青血陂陀閔夜泉鶴鷓庭樹已蕭然一樽盃飲留情話

五馬長歸是別筵黃壤冷埋林下壁綠波空泛幕中蓮  
息軒未覺風流遠行見闕彪歷試年

送李敬甫之任靖江總管

海山蟠亘十州環桂嶺西南隘漢關吾子有材稱吏治  
土風從古號時慳老天形勢開炎德赤子龍蛇雜洞蠻  
交致恩威民事了雙旌歸早慰慈顏

呈高麗世子

霞綺紅潮鴨綠清風姿渾是父王英禮文曲折猶周制

脂澤涵濡見漢甥衡宇接談今日款中堂陪宴向來情  
鳳皇池上應回憶慙愧朱絃一再行

冬日海棠

玉環朝醉綠雲鬆晴旭幽軒不信冬春色暖私神草異  
丹砂重見海洲紅銀釭侍寢留高照青女憐嬌為動容  
似與方平慰親老金盤佳品不教空

壽唐承旨母王氏

承旨五六歲教授  
孝經論語于母氏

教子堂深映謝幃碧梧停鵠發英莖臙脂點額猶宮樣

懿範齊家備母儀香簇鸞花回紫誥雪封梅信動橫枝  
百年好在升堂拜歲歲分香入壽卮

慶王慶彥舉太夫人九秩之壽

花柳西池點翠妍婺光曾現竹宮烟年高賜幣承恩重  
子孝能忠見母賢女誠看來彤管煒雲花行墮誥鸞鮮  
風流九十人間福纔是平頭第一篇

和樞院王仲常雪詩嚴韻

龍武新軍宿禁牆鐵關風急走降王雅歌望絕皇華使

朔雪春回黑帝祥四海同風有今日九天清吹表戎行  
兩宮和氣春如水併捲流霞入壽觴

壽王仲常院判

顴骨清竒類左山紅雲香軟侍天顏處心久在升沈外  
着我何妨伯仲間密學潛隨空底轉新詩清與化機間  
太平有象邊聲靜醉聽長歌入漢關

題節婦甯氏手卷

蘭有幽姿竹有筠秋霜庭戶藹清芬誦詩已矢靡他節

在禮初無再醮文蟋蟀聲寒思曉織君蒿魂黯夢孤墳  
楚王祠下秋原迴消得旌書倚碧雲

贈高麗樂軒李參政甥樸學士中統初予載筆  
中堂常陪先相文會且有唱和今覩高標日

暮懷人不覺慨嘆因賦是詩為贈情見乎辭  
鴨綠江頭老謫仙醉中吟諷得微言當年翰學推賢相  
此日高風得樂軒白雪陽春元寡和翠鸞朱鳳看同翻  
鴨江秀色雞林筆歲歲封章入紫垣

題保定醫學劉教授慶八十詩卷

八秩光陰積慶多  
笑看金狄手摩挲  
前知來事疑思邈  
集驗儒門似子和  
藥籠功名閒等第  
醉鄉風月早經過  
雞川如畫郎山秀  
好在春風十二窠

和贈高麗鄭學士詩韻

豹管潛窺見異姿  
雞林詩好動京師  
恩深自比滄溟濶  
國小芳資節相毘  
寶瑟聽來多雅唱  
人生樂處是新知  
蓬山歸到梅花在  
千樹清香醉拾遺

和雪中鄭樸二學士金司業來訪詩韻

風雪長安撲玉塵詩成驢背欲誰親  
海東遊子興不淺醉裏微言語更真  
膜拜尚思瞻國老過門今喜得陶賓  
人生適意無南北宮錦淋漓未厭頻

挽馮廉副壽鄉友契

漢署千官列兩曹當時儀物聳清標  
擎囊議事驚孤注霜簡推姦見六條  
樂府名香金鳳管楊橋風細月明簫  
雪崖遺恨理千古大樹風悲日寂寥

養志堂詩

為前江西省郎中  
孫居仁字謙甫作

幾年臺省到清班

一作聖門垂教色為  
難萊子嬰嬉舞袖班

游刃恢恢政務

閒順志如詹推致養為親捧檄即承顏餘歡方在恩榮

際純孝初非口體間開卷諸公足歌詠自今錫類滿鄉

關

高麗國王謝事詔世子嗣位東還詩以送之


禁鬻東林得象賢遠持龍節赴真傳靜看麗海風雲契  
更覺天東雨露偏萬里寵光隆帝館三韓春色入吟鞭

百年藩屏敦姻好合有忠精在日邊

秋澗集卷二十二

謹按卷二十一第十九頁前七行布呼密舊作不忽求今改  
卷二十二第十一頁前八行巴延舊作伯顏今改後倣此  
十三頁後七行濟農舊作積寧又錫喇卜舊作沙囉  
巴又桑結策羅舊作相嘉屹羅又實喇現舊作沙囉觀  
今並改





總校官進士臣胡榮

校對官學正臣卜惟吉

膳錄貢生臣袁瑩